

Na osnovu člana 16. stav 3. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 7/10 i 3/23), a u vezi sa članom 62. Zakona o namještenicima („Službene novine Federacije Bosne i Hercegovine“, broj: 49/05, 45/2010 - dr. zakon i 103/2021), članovima 3. i 10 stav (7) Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe („Službene novine Zeničko-dobojskog kantona“, broj: 20/20 i 14/21) i Kriterija za izbor i imenovanje predsjednika i članova Drugostepene disciplinske komisije za namještenike zaposlene u kantonalnim i općinskim organima državne službe u Zeničko-dobojskom kantonu, broj: 02-30-13154/24 od 19.07.2024. godine, na prijedlog Ureda premijera, Vlada Zeničko-dobojskog kantona, na 36. sjednici, održanoj dana 19.07.2024. godine, donosi

RJEŠENJE

o imenovanju Drugostepene disciplinske komisije za namještenike zaposlene u kantonalnim, gradskim i općinskim organima državne službe u Zeničko-dobojskom kantonu

Član 1.

(Predsjednik, članovi i sekretar Komisije)

U Drugostepenu disciplinsku komisiju za namještenike zaposlene u kantonalnim, gradskim i općinskim organima državne službe u Zeničko-dobojskom kantonu (u daljem tekstu: Drugostupena disciplinska komisija za namještenike), imenuju se, počev od 25.07.2024. godine:

- a) Članovi:
 - 1. Mirsad Čizmić, Kantonalna uprava za inspekcijske poslove - predsjednik,
 - 2. Sanela Mulahasanović, Grad Zavidovići- član,
 - 3. Adnan Hodžić, Ministarstvo za pravosuđe i upravu- član.
- b) zamjenici članova:
 - 1. Vildana Kondić, Ministarstvo za rad, socijalnu politiku i izbjeglice - zamjenica predsjednika,
 - 2. Naila Jusupović, Grad Zavidovići- zamjenik člana,
 - 3. Asmir Alagić, Ured za borbu protiv korupcije - zamjenik člana.
- c) sekretar Drugostupene disciplinske komisije za namještenike, bez prava glasa:
 - 1. Venira Alihodžić, Ured Premijera Zeničko-dobojskog kantona.
- d) zamjenik sekretara Drugostupene disciplinske komisije za namještenike, bez prava glasa:
 - 1. Hasija Lopo, Ministarstvo finansija.

Član 2.

(Ovlaštenje Komisije)

- (1) Drugostupena disciplinska komisija za namještenike provodi postupak u skladu sa primjenom odredbi Uredbe o pravilima disciplinskog postupka za disciplinsku odgovornost državnih službenika u organima državne službe u Federaciji Bosne i Hercegovine („Službene novine Federacije Bosne i Hercegovine“, broj: 72/04, 75/09, 17/2021, 55/2021 i 15/2023).
- (2) Predsjednik, članovi i sekretar Drugostupene disciplinske komisije za namještenike su dužni čuvati kao poslovnu tajnu sve podatke i saznanja koja steknu u radu ove komisije.

Član 3.

(Mandat Komisije)

Drugostupena disciplinska komisija za namještenike imenuje se na period od dvije godine, a predmete pristigle po isteku mandata dosadašnje Komisije pa do dana stupanja na snagu ovog rješenja, rješavat će Komisija imenovana ovim rješenjem.

Član 4.

(Naknade za rad Komisije)

(1) Predsjedniku i članovima Drugostepene disciplinske komisije, utvrđuje se pravo na naknadu za rad u Komisiji, u neto iznosu od 150,00 KM mjesečno, pod uslovom da u toku mjeseca bude održana najmanje jedna sjednica Komisije i da su zadatke Komisije obavljali izvan redovnog radnog vremena.

(2) Pravo na naknadu imaju samo članovi Drugostepene disciplinske komisije koji su prisustvovali sjednicama.

(3) Sekretar Drugostepene disciplinske komisije je osoba koja će obavljati administrativno-tehničke poslove za potrebe Komisije i ima pravo na naknadu u visini od 70% od naknade koja je utvrđena za jednog člana Drugostepene disciplinske komisije.

(4) Zahtjev za isplatu naknade, uz prethodnu saglasnost premijera Zeničko-dobojskog kantona, podnosi se Ministarstvu finansija, zajedno sa zapisnikom održanih sjednica.

(5) Sredstva za rad Komisije isplati će se iz Budžeta Zeničko-dobojskog kantona sa razdjela 11 - Ured premijera, budžetska organizacija 01, potrošačka jedinica 0001, ekonomski kod 613900, pozicija „Izdaci za Komisije, zastupnike i druge samostalne djelatnosti”, na račune imenovanih navedene u zahtjevu za isplatu.

Član 5.

(Izveštaj o radu)

Izveštaj o radu Komisija dostavlja mjesečno premijeru kantona, do 10. radnog dana za prethodni mjesec, a godišnji izveštaj najkasnije do 30. januara za prethodnu godinu.

Član 6.

(Prestanak važenja Rješenja)

Stupanjem na snagu ovog rješenja, prestaje važiti Rješenje o imenovanju Drugostepene disciplinske komisije za namještenike zaposlene u kantonalnim i općinskim organima državne službe u Zeničko-dobojskom kantonu („Službene novine Zeničko-dobojskog kantona“ broj: 15/22).

Član 7.

(Poslovnik o radu Komisije)

Prije početka rada Drugostepene disciplinske komisije za namještenike donosi Poslovnik o radu koji usvaja većinom glasova.

Član 8.

(Stupanje na snagu)

Rješenje stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-30-13153/24

Datum, 19.07.2024. godine

Zenica

PREMIJER

Nezir Pivić

DOSTAVLJENO:

1x Ured Premijera Zeničko-dobojskog kantona,

1x Ministarstvo finansija,

1x Imenovanim, putem Ureda Premijera,

1x „Službene novine Zeničko-dobojskog kantona“,

1x a/a.